

«La crusch
en la glisch»

La Federaziun da las baselgias evangelicas da la Svizra (FEBS) surdad il premi da pregia

«La crusch en la glisch»: Tar quella tematica surdat la Federaziun da las baselgias evangelicas da la Svizra l'onn 2020 per la terza giada il premi da pregia svizzer per l'import da fr 3000.—. Passa duamilli predigtants e predigtantas van en las baselgias protestantas da la Svizra dumengia per dumengia sin chanzla per proclamar il pled da Dieu e per ponderar davart l'impurtanza da l'evangeli en noss temp. «Il premi da pregia fa effect: La pregia è in'ovra d'art. Ella surmunta il foss tranter la Bibla ed il temp preschent. Ella maina nus datiers a Dieu e datiers als umans. Ed ella fa quaida d'inscuntrar Cristus», di Gottfried Locher, il president dal Cussegl da la FEBS. «Cun questa distincziun vulain nus stimar e promover l'art dal pregiar.»

La pregia ha sia piazza en in cult divin da la raspada, quai vul dir: en in context liturgic ed a medem temp cuminaivel. Perquai tschertga la FEBS pregiar che èn gia vegnidas pregiadas avant che vegnir inoltradas per la concorrenza. Tut las personas che han in'incumbensa da pregiar en ina raspada èn envidadas da sa participar a la concorrenza. Il premi da pregia svizzer vegn surdà en duas categorias linguisticas: franzosa – taliana e tudestga – rumantscha. En mintga categoria tscherna ina giuria l'autura u l'autur da la meglra pregia. Il premi da totalmain fr 3000.— vegn surdà ils 16 da zercladur 2020 a Sion.

La giuria da lingua tudestga e rumantscha sa cumpona da las suandantas personas: Rudolf Gebhard (Zofingen), Verena Herzog (cussegliera naziunala, Frauenfeld), Benjamin Schliesser (Berna), Patrick Brand (Zernez), Hans-Peter Schreich (Valchava) e Nathalie Dürmüller (Turitg). La giuria da lingua franzosa e taliana da: Claire Clivaz (Losanna), Débora Kapp (Friburg), Michel Kocher (Losanna), Marc Voltenauer (Gryon), Raoul Pagnamenta (Marin) e Hansueli Walt (Son Gagl).

Per infurmaziuns detagliadas e cundiziuns da participaziun:
www.schweizer-predigtpreis.ch



Kreuz
im Licht

sek·feps

Schweizerischer Evangelischer Kirchenbund
Fédération des Eglises protestantes de Suisse
Federazione delle Chiese Evangeliche in Svizzera
Federaziun da las baselgias evangelicas da la Svizra